

Celebracion di 23 aña di existencia di DIARIO

E tarea di periodismo ta yuda amplia horizontenan

ORANJESTAD (AAN)-- Awe, 3 di November, DIARIO ta celebra 23 aña di existencia y ta bon pa reconoce e labor cu un medio di comunicacion, manera esaki, cu ta ocupa un lugar privilegia den e preferencia di e pueblo di Aruba.

A mi, como comunicador social a haya un oportunidad hopi grandi ora mi tende di e posibilidad di traha na DIARIO, pasobra atravez di un medio di comunicacion manera esaki, un periodista, aparte di haya un forma pa mantene e comunidad informada, por haya tambe e manera pa educa e pueblo riba cierto topiconan.

Un trabao consecuente di e medianan di comunicacion masivo, un periodismo informativo pero tambe educativo, por hiba un persona na e mehora di su condicionnan di

bida, amplia su cultura, enriquece su caudal informativo, ademas di ensancha su horizontenan.

Esaki ta un di e satisfaccion cu un periodista por sinti ora e ta contribui na e formacion di e bagage di conocimiento cu un persona tin.

Como periodista, nos tin hopi responsabilidad, pesey ta hopi importante pa e comunidad compronde kico ta nos funcion. Un periodista mester siña di hopi aspecto manera psicologia social, pedagogia, didactica, sociologia, metodonan di investigacion, teoria di comunicacion, economia, estadistica, historia, entre

hopi materia cu ta pan di cada dia, den nos informacionnan. E topiconan aki ta duna nos e elementonan necesario, pa asina cada accion cu nos ta desempeña por wordo apoya

riba principianan consistente y no riba e valoracion personal.

E contradiccionnan, na e informacion ta crea dificultadnan cu por wordo evita si e periodista tin un riguroso sistema di principianan cientifico riba cual sustenta su trabao.

Otro punto cu mester tuma na cuenta ta cu e trabao periodistico tambe ta wordo considera sistematico, pasobra un individuo ta actua no solamente na un periodico en particular, of un noticiero, sino cu e tin ariba dje e influencia di tur e sistema informativo di e sociedad. Esaki ta inclui e resto di e medianan di comunicacion, pero tambe mester inclui e school, e famia, e organizacionnan politico, e sociedad den su conhuntio.

Di e forma aki, nos por compronde cu cada organo di prensa tin un funcion bon defini, un perfil traza, pero esaki no ta importante, si no ta reforza y complementa e sistema di medianan di

comunicacion masivo di henter e sociedad.

Pa:
Yorleny Oduber-Quesada

DIARIO

november 3, 1980 • november 3, 2003

*23 Aña den
Curazon di Pueblo*

Pabien!

**SEROE BLANCO
SERVICE STATION**



**"Bo bista ta faya bo?
FAVI t'ey pa yuda bo!"**

DIARIO

november 3, 1980 • november 3, 2003

*23 Aña den
Curazon di Pueblo*
Pabien!

HOOIBERG TRADING CO. N.V.

Hooiberg 14

Aruba Dutch Caribbean

Tel: (297-58) 55862 - Fax: (297-58) 58201